

傷寒論崇正編

漢張仲景原文

順德黎天祐庇留編註

辨少陰病脈證篇

少陰之爲病。脈微細。但欲寐也。

陳脩園云。內經云。少陰之上。君火主之。又云。陰中之陰腎也。是少陰本熱而標寒。上火而下水。其病不可捉摸。故欲知少陰之爲病。必先知少陰之脈象。其脈薄而不厚。爲微。窄而不寬爲細。又須知少陰之病情。其病似睡非睡。似醒非醒。神志昏憒。但見其欲寐而已。少陰主樞轉出入於內外。今則入而不出。內而不外。故也。

柯註云。仲景以微細之病脈。欲寐之病情爲提綱。立法於象外。使人求法於象中。凡證之。寒熱與寒熱之真假。倣此義以推之。眞陰之虛實見矣。

陳古愚云。心病於神則脈微。腎病於精則脈細。欲寐病於陰。不得寐病於陽。今欲寐

而不寐。故曰但欲寐。

唐容川正之曰。心病於神則脈微。腎病於精則脈細。其說非也。微是腎之精氣虛。細是心之血虛。脈管是血之路道。血少故脈細。微屬氣分。氣旺則鼓動而不微。今將微屬心血。細屬腎氣。真大誤也。

愚按微屬氣虛。細屬血虛。陽爲氣。陰爲血。微細卽陰陽俱虛也。少陰上心下腎。心腎要相交。不交。則有陽不遇陰。而煩陰不遇陽。而躁之證。此陽字指心言。陰字指腎言。卽上下火水之謂。作陰病之脈微細。實指陰陽水火心腎而言。陳氏之說未爲不是。唐氏據西醫心專屬血分。腎專屬氣分。未免就一偏立論。獨不思心有心陰。亦有君火之心陽。如脈結代。心動悸。是心陰不足。故主以炙甘草湯。如心下悸。欲得按。是心陽不足。故主以桂枝甘草湯。專補心陽。是不得謂心專屬血分也。腎有腎火。又有腎水。如四逆白通。救腎陽也。猪苓湯養腎陰也。是不得謂腎專屬氣分也。且此條之握要處。不在辨微細之脈。而在認難認之真諦。他經提綱皆是邪氣盛則實。少陰提綱

獨指正氣奪。則虛以少陰爲人身之根本也。六經除少陰外。其餘五經皆有外證可認。少陰提綱最難認。以不必有外證止。此微細之病脈。欲寐之病情。臨證時。當細心體認。在微茫處。方不至誤。

唐容川正淺註云。樞轉出入四字。用解少陰之病。不確。內經用一樞字。取譬少陰之陰陽相生。循環如樞而已。非言其出入旋轉也。且就註所謂入而不出。內不外者。問是何物。不將此物指明。但言不出不外。真恍惚語也。須知此分血氣言。血屬心所生。而流行於脈中。心病則陰血少。而脈細。氣屬腎所生。而發出則爲衛陽。衛陽出則醒。入則寐。所以有晝夜也。今腎病則困於內。而衛陽不出。故但欲寐。只此四字。已將心腎水火血氣之理。全盤托出。仲景提綱語。真包括無餘義。

愚按上下心腎相交。則能寐。心腎病不能交。則不寐。是以本經有躁不得寐。爲獨陰無陽之死證。今但欲寐者。是少陰之精氣神不足。疲倦已極。欲寐而不欲動。又非真寐。故以欲寐二字形容其困憊也。陽邪入陰之不寐。是實證。卽三陽合病之但欲眠。

睡。非少陰之但欲寐也。唐君謂陳君不將不出不外之物指出。而自以腎所生爲衛陽。困於內而不出。解但欲寐。亦不外陳君之說。且不若陳君神志昏憤之醒也。況但欲寐。專就腎言。更不若陳註指少陰之樞。則無所不包括也。

少陰病。欲吐不吐。心煩。但欲寐。五六日自利而渴者。屬少陰也。虛故引水自救。若小便色白者。少陰病形悉具。小便白者。以下焦虛。有寒。不能制水。故令色白也。

柯韻伯云。欲吐不吐者。樞病而開闔不利也。與喜嘔同。少陽脈下胸中。故胸煩。是病在表之裏也。少陰經出絡心。故心煩。是病裏之裏也。欲吐不得吐。欲寐不得寐。少陰樞機之象也。五六日正少陰發病之期。太陰從濕化。故自利不渴。少陰從火化。故自利而渴。少陰主下焦。輸津液。司閉藏者也。下焦虛。則坎中之陽引水上交。於離而未。能。故。心。煩。而。渴。關門。不。閉。故。自。利。不。能。制。火。由。於。不。能。制。水。故。耳。然。必。驗。小。便。者。以。少。陰。主。小。便。熱。則。黃。赤。寒。則。清。白。也。不。於。此。詳。察。之。則。心。煩。而。渴。但。治。上。焦。之。實。熱。而。不。顧。下。焦。之。虛。寒。則。熱。病。未。除。下。利。不。止。矣。

陳脩園云。少陰上火而下水。水火濟。則陰陽交。而樞機轉矣。少陰經其脈從肺出心。注胸中。病則胸中不爽。故欲吐而不吐。心中熱煩。不能寐而但欲寐。此水火不濟。陰陽不交。機樞不轉之象也。五六日少陰主氣之期。其數已足。火不下交。而自利。水不上交。而作渴者。此屬少陰之水火虛也。水虛無以沃焚。火虛以無致水。故引水以自救。此少陰病寒熱俱有之證也。若從熱化。則小便必赤。若小便色白者。白爲陰寒。少陰陰寒之病形悉具。此確切不移之診法也。然其小便之所以白者。以下焦虛而有寒。至失上焦君火之熱化。不能制水。故色白也。

程郊倩云。上虛而無陰以濟。總由下虛而無陽以溫也。二虛字皆由寒字得來。

林瀾云。陰盛格陽。按此說得太重。

方氏、汪氏、沈氏、金鑑俱主虛寒說。

病人脈陰陽俱緊。反汗出者。亡陽也。此屬少陰。法當咽痛。而復吐利。

陳脩園云。少陰原有寒。復受外寒。故脈陰陽俱緊也。陰不得有汗。今反汗出者。陰盛。

於。內。而。陽。亡。於。外。也。此。屬。少。陰。陰。陽。不。交。之。故。不。交。則。陽。自。陽。而。格。絕。於。外。反。有。假。熱。之。象。法。當。咽。痛。不。交。則。陰。自。陰。而。獨。行。於。內。必。有。真。寒。之。證。而。復。上。吐。下。利。也。

按陳註最精。其咽痛者非陰虛生內熱。亦非上焦從火化。乃陰陽不交。上則假熱。下實真寒矣。陰盛格陽亦近。

程扶生云。汗出爲少陰亡陽證。少陰之寒上逼。則咽痛而吐。下逼。則下利。柯韻伯云。陰虛生內熱。故身無熱而汗反出。亡陽者虛陽不歸。皆因少陰不藏所致。故上焦從火化。下焦從陰寒。宜八味腎氣丸。

按此說成陰盛格陽。則白通湯爲宜。若服腎氣丸。反增陰氣。危極。少陰病。欬而下利。譖語者。被火氣劫故也。小便必難。以強責少陰汗也。

陳脩園云。少陰病金水不能相滋而爲欬。少陰失閉藏之職而爲下利。二者爲少陰常有之證。若欬利而復譖語者。知足少陰之精氣妄泄。手少陰之神氣浮越。心被火劫故也。然不特譖語。且小便必難。以汗與小便。皆身中之津液。因強責少陰之汗。以

竭其津液之源也。此言少陰病不可發汗。以火劫汗之禍更烈也。少陰原有灸法。而少陰之熱證。又以火爲讎。

陳靈石按少陰欬而下利。治有兩法。寒劑猪苓湯。熱劑真武湯之類。皆可按脈證而神明之。

柯韻伯云。腎主五液。入心爲汗。少陰受病。液不上升。所以陰不得有汗也。少陰發熱。不已。得用麻黃發汗。卽用附子以固裏。豈有火劫強汗之理哉。少陰脈入肺出絡心火氣迫心肺。故欬而譖語也。腎主二便。濟泌別汁。滲入膀胱。今少陰受邪。復受火侮。樞機無主。大腸清濁不分。膀胱水道不利。故下利而小便難也。

唐容川云。此言少陰熱證者非也。欬而兼下利。惟寒水乃有此證。寒水之證。自無譖語。此之譖語者。被火氣劫。發其汗。心神飛越。故發譖語也。何以知其被火劫。察其小便必見艱難。以強責少陰之汗。汗出。則膀胱之水升溢。故小便難。是小便難本。非熱證。而譖語亦非熱證。皆劫汗必神飛越之所致。勿誤認爲陽明熱證之譖語也。

按此註甚超。則金鑑之用白虎爲無當也。金鑑謂欲救其陰。白虎猪苓二方。擇用可矣。

方氏、喻氏、金鑑、註俱同。各家俱就熱言。不及唐註之的。

少陰病。脈細沉數。病爲在裏。不可發汗。

陳脩園云。少陰病。腎水之氣少。則脈細。君火之氣不升。則脈沉數。此病爲在少陰之裏。不可發汗。以傷其裏氣。

柯韻伯云。少陰脈沉。當溫。然數則爲熱。又不可溫。而數爲在藏。是爲在裏。更不可汗。此註置脈細而不講。非是。

唐容川正淺註曰。腎水氣小。則脈細。非也。細是脈管之血少。屬心經也。君火之氣不升。則脈沉。亦非也。沉是氣不上升。則脈管落下。氣不上升者。屬腎經。氣生於腎也。數則兼沉細二者言之。數脈。不忌發汗。見於沉細之中。則爲少陰在裏之病。故不可發汗。

愚按少陰病脈沉者急溫之。宜四逆湯。則此之沉而兼細數。其細爲少陰病本有之脈。卽數亦屬虛數。不得謂爲熱也。若溫以固根本。斤斤辨其脈之何以沉。何以細。抑末也。總之沉則生氣衰微爲大關鍵。

少陰病脈緊至七八日。自下利。脈暴微。手足反溫。脈緊反去者。爲欲解也。雖煩下利。必自愈。

陳脩園云。少陰病陰寒盛則脈緊。至七八日乃陽明主氣之期。忽然自下利。脈變緊而暴微。手足亦反溫。蓋脈緊反去者。爲少陰得陽明之氣。少陰病爲欲解也。凡陽氣暴回。則煩堅冰得緩。則下。今雖發煩與下利。乃戊癸合化生陽。漸復必自愈。

柯韻伯云。反溫則前此已冷可知。微本少陰脈。煩利本少陰證。至七八日陰盡陽復之時。緊去微見。所謂穀氣之來也。徐而和矣。煩則陽已反於中宮。溫則陽已敷於四末。陰平陽秘。故煩利自止。

方氏、程氏、金鑑註同。

喻嘉言云。此是邪解陽回可勿藥自愈之候。

按此註不逐層說出所以然。終是浮泛。不過見有自愈字樣。故云然耳。

陳脩園云。余自行醫以來。每遇將死證。必以大藥救之。忽而發煩下利。病家怨而更醫。醫家亦詆前醫之誤。以搔不著癢之藥居功。余反因熱腸受謗。甚矣名醫之不可爲也。附筆於此。以爲知者道。

愚謂行道亦行其心之所安而已。世間名醫如鳳毛麟角。庸醫則舉目皆是。夫其口衆我寡。又况平日浸灌於庸醫之論說者已深。一旦以少見多怪之方治。擊刺其眼簾。安有不駭怪者。且中於腐敗之藥已深。斷不易驟而收效。則若輩羣起而議其後。在所不免。所望政府知醫。提倡聖學。所有庸醫惑衆者。罷斥一切。庶幾聖學昌明。挽回國命。不然陳脩園之拂袖而去。雖有激而言之。究何補於事乎。

少陰病。下利。若利自止。惡寒而踴臥。手足溫者可治。

陳脩園云。少陰水勝土虛。則下利。若利自止。土氣復也。雖見惡寒之甚。其身屈曲向

前而踰臥。然身雖惡寒。而手足爲諸陽之本。稟於胃氣。若手足溫者。中土之氣和也。有胃氣。則生。故可治。

唐容川補之曰。少陰腎中之陽。下根於足。上達於手。而充塞於膏膜之中。膏卽脾所司也。脾膏陽足。則薰吸水穀。不致水穀從腸中直瀉而出。若腎陽不充於脾。而脾土所司之膏油失職。水穀不分。氣陷而崩注。是爲下利。其腸中水穀泄盡。利止後。惡寒踰臥。若生陽已竭者。則手足厥冷而死。設手足溫者。是腎中生陽尚在。故爲可治。白通等方是矣。按此註迂曲。反不若陳註之直捷。

少陰病。惡寒而踰。時自煩。欲去衣被者可治。

陳脩園云。惡寒而踰。寒氣甚矣。然時或自煩。而絕無躁象。煩時自覺其熱。欲去衣被者。君火在上也。陰寒之氣見火。而消。故爲可治。

柯韻伯云。時自煩。是陽漸回。按此不指出君火。未免泛。

喻嘉言云。真陽擾亂不寧。然尙未至亡陽。故可用溫。

按此註以自煩去衣被爲內擾更不合。

金鑑云。陽回陰退之徵。故曰可治。亦柯氏之見也。

少陰病。吐利。手足不逆冷。反發熱者不死。脈不至者。灸少陰七壯。

陳脩園云。反發熱者。少陰得太陽之標陽也。陰病得陽。故爲不死。若不得太陽之標陽。則少陰之氣反陷於下。而脈不至者。灸少陰之太谿二穴七壯。以啓在下之陽。

太谿二穴在足內踝後五分跟骨上動脈陷中。

柯韻伯云。上吐下利。胃腕之陽將脫。手足不逆冷。諸陽之本猶在。反發熱。衛外之陽尙存。急灸少陰。則脈可復。而吐利可止也。若吐利而兼煩躁。四肢俱冷。絕陰無陽。不可復生矣。

喻嘉言云。反發熱則陽氣似非衰憊。然正恐真陽越出軀壳之外。故反發熱耳。設脈不至。則當急溫無疑。但溫藥必至傷陰。故於少陰本穴。用灸法以引其陽內返。斯脈至而吐利亦將自止矣。按此之發熱。正所以不死處。乃恐孤陽外越。而不知孤陽

外越者。吐利四逆。而身反發熱者。其反字對於四逆不應發熱。其發熱爲孤陽外越。此反字對於吐利。難得發熱。其發熱爲少陰得中。見太陽衛外之熱爲吉兆。大劑四逆。白通。便可。回生。至云溫藥傷陰。豈灸不傷陰乎。灸之得宜。可以復脈。若灸之不當。而有火邪諸證。則火氣雖微。內攻有力。焦骨傷筋。何嘗非傷陰也。

少陰病。八九日。一身手足盡熱者。以熱在膀胱。必便血也。

柯韻伯云。此藏病傳府。陰乘陽也。氣病而傷血。陽乘陰也。到八日以上。反大發熱者。腎移熱於膀胱。膀胱熱則太陽經皆熱。太陽主一身之表。爲諸陽主氣。手足者。諸陽之本。故一身手足盡熱。太陽經多血。血得熱則行。陽病者上行極而下。故尿血也。此裏傳表。證是自陰轉陽。則易解。故身熱雖甚。不死。輕則猪苓湯。重則黃連阿膠湯。可治。與太陽熱結膀胱。血自下者。證同。而來因則異。

少陰傳陽證者有二。六七日腹脹不大便者。是傳陽明。八九日。一身手足盡熱者。是傳太陽。

陳脩園云。膀胱爲胞之室。膀胱熱故得外發於肢體而爲熱。必內動其胞中之血。而爲便血也。

愚按與太陽證熱結膀胱血自下者同。彼證認在如狂。此證認在一身手足盡熱。柯註下利便膿血。指大便言。熱在膀胱而便血。是指小便言。汪註腎主二便。從前後便而出皆是。

張石頑、喻嘉言、金鑑俱同。

少陰病但厥無汗而強發之必動其血未知從何道出或從口鼻或從目出是名下厥上竭爲難治。

柯韻伯云。陽氣不達於四肢故厥爲無陽不能作汗而強發之血之與汗異名同類。不奪其汗必動其血矣。峻劑發汗傷經動血若陰絡傷而下行猶或可救若陽絡傷而上溢不可復生矣。妄汗之害如此。

陳脩園云。少陰熱化太過內行於裏熱深者厥亦深故少陰病但厥無汗本無發汗

之理。醫者不知而強發之。不但不能作汗。反增內熱。必動少陰之血。逆行上竅。未知從何竅而出。少陰之脈循喉嚨。挾舌本。繫目系。故可從口鼻及目而出。因無汗而鼓激熱化之邪。自下而逆上。上因失血而竭。少陰原少血之經。下厥而上竭。爲難治也。喻嘉言、張石頑、魏念廷、金鑑各註皆同。

沉目南云。當以四逆散和陰散邪。其病自退。而厥自愈。豈可強汗哉。

唐容川正之曰。脩園解但厥無汗爲裏熱。非也。使果是裏熱。而又動血。是上下皆熱。施治不難措手。此難治者。以下厥是陽虛於下。陽下陷而不升。則衛氣不能達於肌腠。故無汗。明言衛陽不外達。則無津氣。不得有汗也。而醫者乃強發之。則肌腠間既無津氣。只有營血。獨被其劫。必動而上出。是爲陰血竭於上也。下厥當用熱藥。上竭又當用涼藥。相反相妨。故爲難治。

愚按柯註厥爲無陽。唐註厥爲陽虛。於下。則衛氣不能達於肌腠。故無汗。兩註極精。陽虛而強發其汗。在少陰必至亡陽。陽亡不能統陰。致血上溢。名下厥上竭者。陽既

厥於下。則上溢者。有不竭不止之勢。故爲難治。然非不治也。柯註云。陰絡傷下行。猶可救。陽絡傷上逆。爲必死。又非也。夫傷陽絡。傷陰絡者。指熱證言。熱極傷絡之謂。輕劑犀角地黃湯。重劑三黃瀉心。無論上溢下行。皆可奏效。此條爲陽虛亡血。唐註謂下厥當用熱藥。上竭當用涼藥。此亦騎牆之見。余每遇陽虛之血。用柏葉湯立止。此湯爲溫劑。而柏葉何嘗不涼。更有亡陽吐血。手足厥頭眩。竟用四逆加艾葉而收奇效者。此書外之書。法外之法也。余於癸巳年治上陳塘成德新衣店東。吐血成盤。頭眩稍動。血即出。四肢厥逆。余以四逆加艾葉而定。後以大劑柏葉湯合四逆湯而愈。所謂難治者。卽引而不發之旨。仲聖之秘奧。非入其堂室。未易悟出也。附筆於此。以爲舉一反三之助。再按此條止言但厥無汗。無發熱煩躁等證。醫強發其汗。可謂鹵莽之極。不知其何所見而云然也。

少陰病。惡寒。身踰而利。手足逆冷者。不治。

柯韻伯云。傷寒以陽爲主。不特陰證見陽脈者生。又陰病見陽證者可治。背爲陽。腹

爲陰。陽盛則作瘡。陰盛則踰臥。若利而手足仍溫。是陽回故可治。若利不止。而手足逆冷。是純陰無陽。所謂六府氣絕於外者。手足寒。五藏氣絕於內者。下利不禁矣。陳脩園云。惡寒之甚。其身必踰。若少陰標寒內陷。不止惡寒。而且自利。此內外皆寒。不得君火之本。熟病之至危者也。然猶幸其手足之溫。足見陽氣之未絕。若手足逆冷者。爲真陽已敗。則不治矣。

喻嘉言云。陰盛無陽。卽用四逆等法。回陽氣於無何有之鄉。其不能回者多矣。故曰不治。

少陰陰寒爲病。得太陽之標陽。可治。得君火之本熟。可治。下焦之生氣上升。可治。中焦之土氣自和可治。四者全無。故爲難治。

袁君道生之小孩。下利一日。次早手足逆冷。卽不治。夫少陰下利四肢厥逆。常有可治。此孩必如此證之。陰盛極而陽氣衰微。故不治也。若此孩早一日。卽以大劑四逆白通。不令其四肢厥逆何至是。